

## Open Call / Åvte kvalifiseradimmie

### Tjeahpoe prosjekte orre gåatan Saemien Sijtese- Åarjelsaemien museume jìh kultuvrejarngje

KORO –tjeahpoe byögkeles tjehtjelinie daejnie åarjelsaemien tjehpiedæjjah jìh tjeahpoevytnesjæjjah böörede tjelkestamme iedtjem bievnedh tjeahpoe prosjektem darjodh Saemien Sijten orre museume- jìh kultuvregåatan Snåasesne Trööndelagesne. Aajkoe åvte kvalifiseradimmie lea uvtemes aktem kandidaatem akten ryöktesth barkose bööredidh.

- **Tjeahpoe budsjedte: NOK 600 000**
- **Tijjemerie: njoktjen 31. b. 2020**
- **KORO daan materijaalen bijre birrie:**  
**PDF-fijle åenehks buerkiestimmie man åvteste iedtjem åtna, dokumentasjovne aarebi barkojste jìh CV. PDF-fijle edtja jeenjemes 10 A4-sæjroeh årrodh, gaajhkine meatan. Nedtesvaalhtesh maehtieh åtnasovvedh goh lissiehtasse dokumentasjovnese.**
- **Mierhkh materijellem: Open Call, Saemien Sijte**
- **Materijelle seedtesåvva e-påastesne diekie: [ji@koro.no](mailto:ji@koro.no)**
- **Govlehtallijh:**  
**KORO: Janicke Heggem Rudi Iversen: [ji@koro.no](mailto:ji@koro.no) / 934 34 497**  
**Saemien Sijte: Susanne Lyngman: [susanne.lyngman@saemiensijte.no](mailto:susanne.lyngman@saemiensijte.no) / 940 17 022**

Saemien Sijten bijre:

Saemien Sijte –Åarjelsaemien museume jìh kultuvrejarngje lea Snåasesne, Trööndelagen fylhkesne. Statsbygg edtja orre gåatiem institusjovnese bigkedh sijjesne Horjemstangen Snåasesne.

Saemien Sijten lea nasjonaale diedte dokumentasjovnen, vaarjelimmien, dotkemen jìh bievnenen åvteste åarjelsaemien kultuvreste. Dokumentasjovne kultuvremojhtesijstie, aerpievuekien daajroste jìh historvrijstie Leah vihkeles bielic barkoste orreme aalkoven mænngan. Dan gaavhtan Saemien Sijten nænnoes daajroem jìh maahtoem saemien kultuvren jìh historvrijen bijre vejtiestamme daan biejjien.

Museummen barkoen baalte Saemien Sijte aaj kultuvregyhtjelassigujmie jìh darjomigujmie barka bætijen aejkien vööste, jìh åejvieulmine åtna åarjelsaemien identiteetem jìh ektievoetedomtesem jìh åarjelsaemien gielem nænnoestidh.

Orre gåetien bijre:

Tyin Tegnestue lea dam orre museume- jìh kultuvregåatiem guvviedamme mij sæjhta ovrehte 1600 kvm sjidtedh. Gåetie sæjhta gaskem jeatjah tjeekedh vuesiehtimmieareaalh,

museumemagasijnh, vierhkiesijjeh saemien vætnose, gærjagåetiem, prïhtjhgåetiem jïh museumebovrem. Saemien Sijte soejkesjidie buerkeste goh ”nænnoes konsepte mij sæjhta faageles hijvenlaakan juhtedh jïh mij gellielaakan aktem tjïelke saemien ektiedimmiem vuesehte. Bigkemeprosjekte edtja gaervies årrodh goeven 2021.

Gåetie sæjhta eatnemetjaebpies byjreskinie Horjemsnjuanesne tjåadtjodh gubpede Snåasenjaevriem jïh Snåasen jarngem vuajna. Edtja eatnemem vaarjelidh dan gåhkese gåarede, men edtja gaskem jeatjah ålkoesijjiem tseegkedh prïhtjhgåetien lihke, jïh aaj baalkam jïh såemies unnebe årromesijjeh.

Tjeahpoeprojekten bijre:

Dan orre museume- jïh kultuvregåetien sjïekenisnie lea sjæjsjalamme akte årjelsaemien guvviethjepiedæjja jallh tjeahpoevytnesjæjja Nöörjeste jallh Sveerjeste edtja ihkuve tjeahpoem evtiedidh, Juktie stööremes eadtjohkevoetem jïh ræhpasvoetem sjugniedidh goh gåarede tjeahpoeprojekten bijre, lea åvte kvalifiseradimmiem nænnoestamme. Naemhtie KORO sæjhta gaajhkide årjelsaemien tjiehpiedæjjide nuepiem vedtedh iedtjem vuesiehtidh meatan årrodh. Veeljeme tjeahpoevuekeste, materiaaleåtnoste jïh gusnie tjeahpoe edtja tjåadtjodh lea ræhpas goske åvte kvalifiseradimmiem lea tjïrrehtamme.

Juryvuvarjasjimmien bijre:

Dan sijse seedteme iedtjen gaavhtan jury sæjhta åajvahkommes aktem tjiehpiedæjjam veeljedh akten ryöktesth barkose, gusnie voestes boelhke sæjhta årrodh åvteprojektem evtiedidh man åvteste honoraarem åådtje.

Jury sæjhta leavloem biejedh daejtie kriterijidie:

- Tjeahpoles vuekie
- Aarebi prosjekth
- Tjïrrehtimmiemaahtoe
- Laavenjostoemaahtoe
- Mahta tjeahpoeprojekthine barkedh suehpeden 2020 ræjeste goeven 2021.

Mijjeh voerkelibie:

- Mijjeh ajve sijse seedteme materijellem vuvarjasjibie mij krievenasside fulkie seedtemen bijre, amma akte - 1 – PDF-fijle
- Sijse seedteme materiaale ij bååstede seedtesovvh.
- KORO ij dïedtem utnieh naakenh dejstie sijse seedteme raeriestimmijste juvnehtidh.

Tjeahpoeprojekten tjeahpoemoenehtse jïh jury Leah:

Janicke Heggem Rudi Iversen, kuratovre, KORO (moenehtsen åvtehke)

Susanne Lyngman, vuvarjasjæjja-, vuesiehtimmiem- jïh bievnemetjåadtjoehtæjja, Saemien Sijte

Nils Ove Gustafsson, ööhpehtimmiem/bïhkedimmiem tjeahpoevætnoe/vætnoeaerpievuekie,

Duodjeinstituhtta/Saemien Sijte

Brit Helene Øygard, prosjekthåvtehke, Statsbygg